

SERIGHEDDOS DE AUSTU

102

SERIGHEDDOS DE AUSTU. IN SAS ISTRADAS
 CANDO SU SOLE SI CH'ETTAD' IN MARE
 CAPITAT D'ESSIRE A PASSIZARE
 IN CUMPAZIA 'E SA LUGH' E SOS ISTEDDOS
 E DE INTENDER, DULZES, SOS FAEDDOS
 DE AMMORADOS E DE AMMORADAS.

SUN' MURMUTTOS SINZEROS DA - E CORO
 CHI S'AMMORADU OFFERIDI A S'ISPOSA
 PASIDOS SOS FAEDDOS, ZENIOSA
 DOGNI MIRADA, SOS OJOS LUGHENTES
 LAMBRIGAS DE CUNTENTU PIANGHENTES
 SUN' DUOS SOS CORPOS, SOL'UNU TESORO.

MILLI CARIGNOS LEADOS A FURA (1)
 S'ACCUMPAZAN' A ISTRINTAS DE AFFETTU
 E - I SA LUNA, A BOLTAS, PO DISPETTU
 SI CUAD' IN MES'E NUES NIEDDAS CHE MORTE
 TANDO EST S'ABBRAZZADA PIUS FORTE
 CHI FAGHED' OLVIDARE SA TRISTURA.

ZINZULAS, GRIGLIOS, RANAS SU CRIADU
 ISPIDIENTAN' CUN SU CANTU INSORO
 SUN' CUDDOS CORPOS DE TOT'UNU CORO
 INGHIRIADOS DA-E TANTA BELLURA
 IN MES' IN MESU A TOTA SA NATURA
 COMENTE SU SIGNORE HAT CUMBINADU. (2)

SERIGHEDDOS DE AUSTU! SU MURMUTTU
 DE SOS COROS IN FESTA SUCCUTINDE
 PRO UN AMORE NOU CHI EST NASCHINDE
 PRO UNA FIAMA CHI S'EST AZZENDIDA
 SOS PRIMOS PASSOS PO ATER'UNA VIDA....
 SOS PRIMOS PASSOS PO ATER'UNU FRUTTU...

(1) a cua de su babbu e de sa mama.

(2) deus hat postu s'omine e-i sa femina a su centru 'e dogni cosa.

ANTONIO PIRAS
 SCANO MONTIFERRO

NINNI